

UNIVERZITET U TUZLI
Broj: 01-55-JN-11/21
Tuzla, 19.11.2021. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerzitet u Tuzli broj: 03-730-1/17 od 03.02.2017. godine, Odluka o izmjenama i dopunama Statuta JU Univerzitet u Tuzli broj: 03-593-1-1/20 od 30.01.2020. godine i broj: 03-6094-1/20 od 17.12.2020. godine, a nakon razmatranja Zapisnika Komisije o pregledu i ocjeni ponuda broj: 01-55-JN-10/21 od 12.11.2021. godine, Rektor Univerziteta u Tuzli donio je

O D L U K U O IZBORU NAJPOVOLJNIJEG PONUĐAČA

I

U okončanom Otvorenom postupku zajedničke javne nabavke radova na utopljavanju zgrade Tehnološkog fakulteta Univerziteta u Tuzli, izabran je ponuđač „ELEKTROCENTAR PETEK“ d.o.o. Tuzla, u ukupnom iznosu od 73.990,00 KM bez PDV-a, odnosno 86.568,30 KM sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i tehnički je prihvatljiva.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak zajedničke javne nabavke radova na utopljavanju zgrade Tehnološkog fakulteta Univerziteta u Tuzli putem Otvorenog postupka javne nabavke broj: 795-1-3-73-3-64/21 od 17.09.2021. godine objavljenom na Portalu e-nabavke i web stranici Univerziteta, sažetka obavještenja objavljenom u Službenom Glasniku BiH broj: 59721 od 24.09.2021. godine.

U ostavljenom roku ponude je dostavilo 4 (četiri) ponuđača: „ELEKTROCENTAR PETEK“ d.o.o. Tuzla, „MONTAPLAN“ d.o.o. Tuzla, „DINAMICO“ d.o.o. Kalesija, „GROMEKS“ d.o.o. Srebrenik.

Analizom ponuda utvrđeno je slijedeće:

1. Ponuđač „MONTAPLAN“ d.o.o. Tuzla je dostavio sve kvalifikacione dokaze zahtijevane Tenderskom dokumentacijom, ali Obrazac za cijenu ponude nije popunjen u skladu sa zahtjevima iz Tenderske dokumentacije. Tačnije, ponuđač nije popunio kolonu 6 za stavke od 6. do 14., a u Napomeni pod rednim brojem 2. Obrazca za cijenu ponude je jasno navedeno: *Ponuda se obavezno mora podnijeti u cijelosti za sve stavke. U koloni 6 ("Proizvođač, marka i tip materijala i opreme / Dodatni opis načina izvođenja radova") obavezno navesti koji se materijali nude navesti proizvođača, marku i tip svih materijala koji se koriste za izradu termičke fasade. U slučaju neispunjavanjem traženih podataka ponuda se smatra tehnički neprihvatljiva.*

Zbog navedenog ponuda ponuđača „MONTAPLAN“ d.o.o. Tuzla se odbacuje kao neprihvatljiva.

2. Ponuđač „DINAMICO“ d.o.o. Kalesija je dostavio sve kvalifikacione dokaze zahtijevane Tenderskom dokumentacijom, ali ponuđač nije priložio urednu atestnu dokumentaciju za polistiren. U obrascu za ponudu traži se da ponuđeni EPS-om ima gustinu 30kg/m^3 , da mu je debljina $d=5\text{cm}$, max toplotna provodljivost $0,0350\text{W/mK}$ i tlačna nosivost min 150 kPa . Prema ponuđenom tipu koji je naveo ponuđač u Obrazcu za cijenu ponude ekspanzirani polistiren tip „Bekatherm EPS F debljine 50mm ima koeficijent toplotne provodljivosti veći od traženog koji u izvještaju za ispitivanje iznosi $0,0390\text{W/mK}$, što je veći od traženog. Takođe, ne navodi se podatak o njegovoj gustini.
Zbog navedenog ponuda ponuđača „DINAMICO“ d.o.o. Kalesija se odbacuje kao neprihvatljiva.
3. Ponuđač „GROMEKS“ d.o.o. Srebrenik je dostavio sve kvalifikacione dokaze zahtijevane Tenderskom dokumentacijom, ali ponuđač nije dostavio preveden certifikat za ponuđeni tip plastificiranih limenih bojenih limova proizvođača MARCEGAGLIA, a u Napomeni pod rednim brojem 3. Obrazca za cijenu ponude je jasno navedeno: *Tehnički listovi ili Deklaracije o performansama mogu biti na jednom od službenih jezika u Bosni i Hercegovini ili na nekom drugom jeziku (pod uslovom da se obavezno priloži original na stranom jeziku) i prevod ovlaštenog sudskog tumača za jezik sa kojeg je prevod izvršen na jedan od službenih jezika u Bosni i Hercegovini. Ne prilaganjem odgovarajućih certifikata ponuda se smatra tehnički neprihvatljiva.*
Takođe za tip fasadne obloge Austrotherm EPS AF exclusive ima koeficijent toplotne provodljivosti $0,0360\text{W/mK}$ za debljine veće od 80 mm , te ponuda nigdje ne sadrži podatak za 50mm i 100mm .
Zbog navedenog ponuda ponuđača „GROMEKS“ d.o.o. Srebrenik se odbacuje kao neprihvatljiva.
4. Ponuda ponuđača „ELEKTROCENTAR PETEK“ d.o.o. Tuzla sadrži sve dokaze zahtijevane Tenderskom dokumentacijom i tehnički je prihvatljiva.

Obzirom da je pristigla jedna prihvatljiva ponuda e-aukcija nije zakazana.


Budući da ponuda ponuđača „ELEKTROCENTAR PETEK“ d.o.o. Tuzla u svemu zadovoljava zahtjeve Univerziteta predviđene Tenderskom dokumentacijom i tehnički je prihvatljiva, Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Rektor Univerziteta u Tuzli prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocjeni ponuda broj:
01-55-JN-10/21 od 12.11. 2021. godine

DOSTAVITI:
1x učesnicima
1x a/a



REKTOR

Nermina Hadžigrahić
Nermina Hadžigrahić